

UKA2021/124: Ingerlatsiviit pillugit inatsisip allangortinneqarnera pillugu inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

UKA2021/125: Inuussutissarsiutigalugu aningaasaateqarfiit pillugit allannguutitut inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

UKA2021/126: Sulliviit inuussutissarsiutitut ingerlatat ilaat pillugit inatsisip allangortinneqarneranut inatsisini assigiinngitsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu inatsit pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

UKA2021/127: Aningaasaateqarfiit aamma peqatigiiffiit ilaat pillugit inatsisip allangortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaat pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

Inuussutissarsiornermut Niuernermullu Naalakkersuisumit saqqummiunneqartut

pillugit

Inuussutissarsiornermut Aatsitassanullu Ataatsimiititaliap

siunnersuutit aappasaaneerpeqarnerannut

ISUMALIUTISSIISUTAA

Ataatsimiititaliap suliarinninnermini ilaasortarai:
Inatsisartunut ilaasortaq Mariane Paviasen, Inuit Ataqtigiit, siulittaasoq
Inatsisartunut ilaasortaq Lars Poulsen, Siumut, siulittaasup tullia
Inatsisartunut ilaasortaq Charlotte Pike, Inuit Ataqtigiit
Inatsisartunut ilaasortaq Karl Tobiassen, Siumut
Inatsisartunut ilaasortaq Knud Mathiassen, Inuit Ataqtigiit
Inatsisartunut ilaasortaq Harald Bianco, Inuit Ataqtigiit
Inatsisartunut ilaasortaq Aslak Wilhelm Jensen, Siumut

UKA2021-mi ulloq 12. oktober 2021-mi siullermeerinninnerup kingorna ataatsimiititaliap siunnersuutit misissorpai.

Siunnersuutit imarisaat siunertaallu

UKA2021/124: Ingerlatsiviit pillugit inatsisip allanngortinneqarnera pillugu inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.

Ingerlatseqatigiiffinnut aningaasaliissutit

Aktianik piginneqatigiiffimmuut aningaasaliissutit, ingerlatsiviit pillugit inatsisip 2018-imi Kalaallit Nunaannut atuutilersinneqarneraniilli, 500.000,00 kr.-iniit 400.000,00 kr.-inut apparneqarnikuupput. Ingerlatsivimmuut aningaasaliissutit appartinneqarnerata, aktianik piginneqatigiiffimmik pilersitsinissamut aamma ingerlatseqatigiiffimmiit aktianik piginneqatigiiffimmuut allannguinissamut periarfissaq piuminarsassavaa. Aningaasaliisartut aamma niuernikkut attavigisat akornanni aktianik piginneqatigiiffimmuut immikkut tatiginninnermik atassusiisarneq eqqarsaatigigaanni tamanna siunertamut naapertuuppoq. Ingerlatseqatigiiffinnut aningaasaliissutit 50.000,00 kr.-iniit 40.000,00 kr.-inut apparneqarnikuupput. Appaaneq tamanna, aallarnisaanermik ingerlatsiviit atuukkunnaarsinneqarnerinut, aallarnisaanermik ingerlatsivimmuut sinaakkutitut piumasaqaatinik pitsaasunik qulakkeerinissamut attuumassuteqarpoq. Taamaalilluni, maannakkut aallarnisaanermik ingerlatsivimmik pilersitsinnaajunnaartunut aallarniianut ingerlatseqatigiiffimmik pilersitsinissamut periarfissaq piuminarsivoq. Ingerlatsivimmuut aningaasaliissutit appartinneqarnerisigut Kalaallit Nunaanni aningaasaliissutissatut piumasaqaatit, nunani avannarlerni ingerlatseqatigeeriaatsinut assingusunut aningaasaliissutissatut piumasaqaatit inissisimaffiannut inissinneqarput.

Aallarnisaanermik ingerlatseqatigiiffiit

Killilimmik akisussaaffilimmik aammalu tamatumunnga peqatigitillugu suliffeqarfimmik ingerlatsinermuut aningaasatigullu pissutsinut naleqqiullugu annertuumik paasissutissiiffiusumik suliffeqarfimmik ingerlatsinissamik killiliisuunik appartitsinissaq suliffeqarfiup taama ilusilernerani siunertaasimavoq. Aningaasaliissutinut piumasaqaat annikitsoq tamanna sinaakkutitut piumasaqaatinik pitsaanagerusunik pilersitsinissamut tapersiissammat aamma aallarneerusussutsimik siuarsaassasoq naatsorsuutaasimavoq. Erhvervsstyrelsilli aallarnisaanermik ingerlatsivinnik misissueqqissaarneratigut, ulloq 17. september 2018 tamanut saqqummiunneqartukkut, takutinneqarpoq aallarnisaanermik ingerlatsivittut ilusiliineq inuussutissarsiortuni kissaatigineqartut siunniuteqarsimangitsoq. Misissueqqissaarneq ilaatigut ima ersersitsivoq: Piginneqatigiilluni ingerlatseqatigiiffinnit

aamma inummit ataatsimit suliffeqarfiutigineqartunit sanilliullutik aallarnisaanermik ingerlatsiviit amerlanerit momsimeq nalunaarsuinerit atatillugu pillaatissinneqartartut. Tamatumunnga peqatigitillugu akileraartarnermut aqutsisoqarfiup peqquserluttuliortoqarsimanerit naliliisarnera tunngavigalugu akileraartarnermi aamma akitsuusiisarnermi inatsiseqarneq malillugu nalunaarsorneqarumangitsutut suliffeqarfiit akornanni aallarnisaanermik ingerlatsiviit amerlanerupput. Akileraartarnermik ingerlatsiviup pillaatissinernik atuinerit aammalu suliffeqarfinnik matusinerit aningaasartuuti pillugit misissueqqissaarnermi inernilunneqartut aallarnisaanermik ingerlatsiviit inuiaqatigiinni pingaaruteqassusiat eqqarsaatigalugu isumakulunnarput. Tamanna tunngavigalugu aallarnisaanermik ingerlatsivinnut iluseritinneqartoq atorunnaarsinneqarpoq.

Aningaasaliisunut taarsigassarsisitsisarneq

Siusinnerusumut sanilliullugu ingerlatseqatigiiffiit ingerlatseqatigiiffiup piginnittuanut aqutsisuinullunniit taarsigassarsisitsisinnaanerat, qularnaveeqqusiisinnaanerat il.il. annertusillugu piginnittunut aningaasatigut taarsigassarsisitsisarnermik maleruagassat allannortinneqarput.

Allannguut aqutitigalugu ingerlatseqatigiiffiit aalajangersimasunik piumasaqaatitalimmik aningaasaliisunut aqutsisunullu ilaasortanut taarsigassarsisitsisinnannorput. Aningaasatigut ikiorsiissutit, tassungalu ilanngullugu taarsigassarsiaritinneqartut, ingerlatseqatigiiffiup sillimmataasa iluanni akilerneqarsinnaanerit aammalu niuerfinni nalinginnaasumik piumasaqaataasartut assingit atugassaqaatitsilluni tunniunneqarnissat piumasaqaataavoq. Tamama saniatigut aalajangiineq ataatsimeersuarnermi imaluunniit ingerlatseqatigiiffiup qitiusumik aqutsisoqarfiani, ataatsimeersuarnermit piginnaatitaasumit, aalajangiivigineqassaaq aammalu ingerlatsiviup ukiumoortumik nalunaarsuaata siulliup saqqummiunneqarnerata kingorna aatsaat aalajangiivigineqarsinnaalluni.

Aningaasarsiaqartitsinerit politikki

Kalaallit Nunaanni inatsisat atuuttut malillugit ingerlatseqatigiiffiit pappiaqqanik nalilinnik niuffaffimmi nalunaarsorneqarsimasut (børsnoterede) aningaasarsiaqartitsinerit politikkimik suliaqarnissat piumasaqaataannigilaq. Ingerlatseqatigiiffiili pappiaqqanik nalilinnik niuffaffimmi nalunaarsorneqarsimasut ingerlatseqatigiiffimmut siulersuisut aqutsisullu kajumissaatinik aningaasarsiaqartitaanerannut maleruagassanik aalajangersaassapput. Aningaasarsiaqartitsinerit politikki pillugu maleruagassat nutaat nassatarisaannik akitaateqarluni ingerlatseqatigiiffiit niuffaffimmi maleruagassiugaasumi Kalaallit Nunaanniittumi imaluunniit Kalaallit Nunaanni imaluunniit EU-mi/EØA-imi nunami ingerlatsisumi niuerutigineqarsinnaasunik taaseqataasinnaassutitalinnik aktiaatillit aningaasarsiaqartitaanerit politikkimik aammalu aqutsisunut ilaasortanut aningaasarsiaqartitsineq pillugu nalunaarsuamim suliaqassapput. Ingerlatseqatigiiffinni pappiaqqanik nalilinnik niuffaffinni nalunaarsorsimasuni aqutsisunut ilaasortat aningaasarsiaqartitaanerisa ersarinnerulernerannut allannguut peqataaqaataassaaq.

Qanittumik suleqatigisanik peqateqarluni aningaasanik nuussisarnernik ammasumik ingerlatsisarneq aamma akuersisarneq

Qanittumik suleqatigisanik peqateqarluni aningaasanik nuussisarnernik ammasumik ingerlatsisarneq aamma akuersisarneq pillugit maleruagassanik nutaanik eqqussisoqarpoq, taakkulu malillugit ingerlatsiviit aamma qanittumik suleqatigisat akornanni, niuernermi piumasaaqatit nalinginnaasut atorlugit, aningaasanik nuussisarnernit suliarineqartassapput aammalu aningaasanik nuussisarnernit pillugit piginneqataasut ingerlaavartumik paasissutissiissutinik tunineqartassallutik.

Kiisalu allannguinerup kingunerisaanik aktiaateqarluni ingerlatseqatigiiffiit Kalaallit Nunaanni imaluunniit EU-mi/EØS-imi nunami niuffaffimmi maleruagassiugaasumi niuerutigineqarsinnaasunik aktiaatillit qanittumik suleqatigisat peqatigalugit nuussineri annertuut, nuussinerit piviusunngortinneqannginneranni, ingerlatseqatigiiffiup aqutsisuinit qullernit suliarineqassapput akuerineqassallutillu. Tamatuma saniatigut ingerlatseqatigiiffiit, nuussinernut aningaasat pineqartut nalinginik killiliussaasunik qaangiisunik, isumaqatigiissuteqarnerup suliarineqareerneraniit piaarnerpaamik ingerlatsiviup nittartagaatigut tamanut nalunaaruteqassapput. Maleruagassalli nuussinerit ilaannut, tassungalu ilanngullugu nalinginnaasumik nuussinernut, atuutinnigillat.

Naatsorsuuserisumik qinersineq aamma soraarsitsineq

Allannguneq isumaqarpoq kukkunersiuusup qinigaanermut piffissarititaanut killiliussamik atuuttoqartoq, taamaalilluni suliffeqarfinnut tamanit soqutigisaqarfigineqartunut ataatsimeersuarnermi inatsisitigut pisussaaffiusoq kukkunersiuineq pillugu kukkunersiuussarsiorarneq ingerlanneqarpat, annerpaamik ukiuni 20-ni kukkunersiuusumik taassuminngarpiaq toqqaqqittoqarsinnaalluni, imaluunniit ataatsimeersuarnermi ukiunik 10-nik piffissarititap qaangiunnerata kingorna minnerpaamik kukkunersiuusumik allamik ataatsimik kukkunersiuinermik suliaqaqataasussamik toqqaasoqarpat annerpaamik ukiuni 24-ni toqqaqqittoqarsinnaalluni. Tamatuma saniatigut, pissutsinik tamatumunnga patsisissaqartoqarpat, pisortanut soqutigisaqarfigineqartuni suliffeqarfinni naatsorsuuserisut, eqqartuussutikkut soraarsinneqarsinnaapput. Tamanna pillugu aningaasaliisoq ataaseq arlallilluunniit, katillutik taasisinnaatitaasut imaluunniit ingerlatsivimmik aningaasaliinerit minnerpaamik 5 pct.-iinik tunuliaqutallit eqqartuussisulersuussisinnaapput.

Suliffeqarfinnik killilimmik akisussaaffilinnik (V.M.B.A.-nik) A/S-inngortitsilluni allannguinerit

Siusinnerusukkut ingerlatseqatigiiffiit pillugit inatsit malillugu piginneqatigiilluni ingerlatseqatigiiffiit (Andelsselskab Med Begrænset Ansvar A.M.B.A-p) killilimmik akisussaaffillit kisimik aktiaateqarluni ingerlateqatigiiffinngortillugit allanngortinneqarsinnaasimapput. Inuussutissarsiornermulli Aqutsisoqarfiup periusia malillugu peqatigiiffik killilimmik akisussaaffeqartoq (Forening Med Begrænset Ansvar

F.M.B.A) imaluunniit ingerlatseqatigiiffik killilimmik akisussaaffeqartoq (Selskab Med Begrænset Ansvar S.M.B.A) A.M.B.A-nngortierarlugu ingerlatseqatigiiffiit pillugit inatsit malillugu aktiaateqarluni ingerlatseqatigiiffinngortinneqarsinnaasimavoq. Allannngortitsineq pisariinneroqqullugu ingerlatseqatigiiffiit pillugit inatsimmi aalajangersakkamik ilanngussisoqarsimavoq, taamaaliornikkullu piginneqatigiilluni ingerlatseqatigiiffiit killilimmik akisussaaffillit, peqatigiiffiit killilimmik akisussaaffillit kiisalu ingerlatseqatigiiffiit killilimmik akisussaaffillit saniatigut suliffeqarfiit killilimmik akisussaaffillit aktiaateqarluni ingerlatseqatigiiffinngortinneqarsinnaalerlutik.

Inuit pillugit paasissutissanik illersuineq

Allannguinerup tamatuma siunertarerpiarpaa inuit Det Centrale Virksomhedsregisterimi nalunaarsorsimasut najugaasa nalunaarsuiffimmi tamanut saqqummiunneqarlutik nalunaarsorsimannnginnissaminut periarfissinneqarnissaat.

Piginnittuiit

Allannguinnikkut tassuuna piginnittuitik pillugit paasissutissanik pissarsiniarnissamut nalunaarsuinissamullu ingerlatseqatigiiffiit pisussaaffilerneqarput ingerlatseqatigiiffillu paasissutissat taakku allannguuteqarsimanersut ukiumut minnerpaamik ataasarlutik misissortassavaat. Tamatuma saniatigut ingerlatseqatigiiffik paasissutissiinissaminut pisussaaffeqarpoq, tamatumalu kingunerisaanik piginnittut piginnittuuneq pillugu paasissutissanik, ingerlatseqatigiiffiup piginnittuiisa kinaassusersinissaannut pisariaqartunik, ingerlatseqatigiiffimmut tunniussisussaataapput.

Nakkutilliissutit

Ilaatigut ingerlatseqatigiiffinnut tunngasunik nakkutilliinerup nukittorsarneratigut aningaasatigut peqquserlunnerit sukkanerumik siunertaqarnerumillu iliuuseqarfigineqarsinnaanerat aalajangersakkat nutaat periarfissippaat. Kikkut suliffeqarfimmik piginnittuiunerannik, aqutsisuni ilaasortat nunanit allaneersut kinaassusiinut uppersaasiinissamik piumasqaatikku aammalu suliffeqarfiup najukkatut nalunaarsorsimaffianik nakkutilliisinnaanikkut Inuussutissarsiornermut Aqutsisoqarfiup nakkutilliineq nukittorsaavigaa.

UKA2021/125: Inuussutissarsiutigalugu aningaasaateqarfiit pillugit allannguutitut inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.

Piginnittuiit

Piginnittuiit nalunaarsorneqarnissaannik maleruagassat peqqussutikkut atuutilersinneqarput, taakkulu aningaasalersuisarnermik aaqquissuussineq atorlugu aningaasanik

malunnarunnaarsaanissap imaluunniit qunusiarinnikkut aningaasalersuinissap pinngitsoortinneqarnissaa siunertaralugu ersarinnerulersitsinissamik siunertaraat.

Kukkunersuiusut nalunaarsuiffi

Peqqussutip imaraa kukkunersuiusut nalunaarsuiffiit tunngasunik allannguut, tassa taakku kukkunersuiusut nalunaarutinik ingerlatsippat aningaasaateqarfiup siulersuisuinit taamaallaat atsiorneqarsinnaammata.

Paasissutissat inunnut tunngasut illersugaanerat

Peqqussut kingunerisaanik Det Centrale Virksomhedsregisterimi (CVR) paasissutissanik inunnut tunngasunik tamanut saqqummiussisarnermut tunngasut allanngortinneqarput, tassa inuit aqqisa najugaasalu (adresse) illersugaasut illersuinerup tamatuma CVR-imi atorunnaarnissaa inuup qinnutiginnippagu najugaat tamanut saqqummiunneqartussaannimmata.

UKA2021/126: Sulliviit inuussutissarsiutitut ingerlatat ilaat pillugit inatsisip allanngortinneqarneranut inatsisini assiginningsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu inatsit pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.

Atuuffissaanik erseqqissaaneq

Ingerlatseqatigiiffiit pillugit inatsimmik allaqqiinerup kingunerisaatut matumunnga inatsimmut suliassaqarfiit atuuffiusussat erseqqissarneqarput. Erseqqissaaneq eqqartuussisaatsimik atuuttumik allanngortiterineruvoq. Kommanditselskabinut assiginningsunik annertussusilinnik akisussaaffeqarlutik piginneqatigiiffiusunut isumasiuut erseqqissarneqarpoq, ingerlatseqatigiiffiillu pillugit inatsimmi isumasiuut allanngortinneqarluni imaalillugu; kommanditselskabit pillugit isumasiuummik ataasiinnarmik peqalernissaq siunertaralugu, maanna matumani inatsimmi isumasiuummut innersuussinngorlugu.

Suliffeqarfinnik ingerlatseriaatsit

Suliffeqarfiit killilimmik akisussaaffillit (SMBA) misissoqqissaarneqarnerisa, ilaatigut takutippaat, suliffeqarfiit taamatut sanarfisat, allanit suliffeqarfinnit allatut ingerlanneqartunit sanilliunneqarsinnaasunit, akulikinnerusumik akiliisinnaajunnaartartut imaluunniit pinngitsaaliissummik atorunnaarsinneqartartut. Misissueqqissaaneq tamanna tunngavigalugu maleruagassat imaalillugit allanngortinneqarput; ingerlatseqatigiiffiit killilimmik akisussaaffilittut ingerlanneqartussat (SMBA)-tut pilersinneqarsinnaaneri siunissami periarfissaajunnaarsillugu. Taamaattoq suliffeqarfiit killilimmik akisussaaffilittut pilersitat pioreersut, Kalaallit Nunaannut atulersinneqarsimasoq inuussutissarsiutigalugu suliffeqarfiit

pillugit inatsit naapertorlugu nalunaarsugaasut, ingerlareernermissut ingerlaannarsinnaassallutik.

Piginnittuiusunik nalunaarsuineq

Allannguinermik tamatuminnga suliffeqarfinnut piginnittuiusut pillugit paasissutissanik pissarsiarinninnissamut aammalu nalunaarsuinissamut pisussaaffimmik atulersitsisoqarpoq. Tamatuma saniatigut suliffeqarfiit minnerpaamik ukiumut ataasiarlutik paasissutissani nalunaarsukkani tamakkunani allanngortoqarsimanersoq misissortalissavaat.

Aningaasaqarnikkut pinerluttuliortarneq

Aningaasaqarnikkut ajornartorsiorneq aningaasaqarnikkut pinerluttuliornerit amerlassusaanni annertuumik qaffariaammik nassataqarsimavoq. Pingaartumik aningaasaqarnikkut ajornartorsiorneq malisukaannarlugu ilaatigut aningaasat nalinginik uukapaatitsiniaaneq, ilisimasani atonerluilluni akikinaarineq aammalu qularnaveeqqusiussaqaarluni taarsigassarsinermi allagartanik iluanaarniutipiloqarneq pillugit pillaatissiineramik suliat annertuut suliassaaqisullu pilerput. Suliat suliassartanikkaluttuinnarmata, suliallu amerlasuutigut nunanut allanut atassuteqarajummata, aningaasaqarnikkut pinerluttuliornerit pillugit suliat suliarineri unamminiagassanik annertuunik nassataqarput. Unamminiagassat tamakku kinguneraat, aningaasaqarnikkut pinerluttuliornerit pillugit suliat paasiniaruminaassinnaasut pillaatissiinissamullu malersuissutigiuminaallutik. Pitsaaliuinissamut, pinerluttoqarsimaneranik misissuinissamut aammalu eqqartuussisulersuussinissamut piunasaqaatinik pitsaanerpaanik qulakkeerisussat suliniutit arlallit naammassissallugit 2013-imi inatsisinik arlalinnik allannguinerup siunertarisimavaa. Inuussutissarsiornermi eqqartuussisarnermik suliassaqaarfimmi allannguneq isumaqarpoq Kalaallit Nunaanni ingerlatseqatigiiffiit pillugit inatsimmut atuuttumut assingusumik, sulliviit inuussutissarsiuutit ingerlatat pillugit inatsimmik aamma inuussutissarsiuutinik ingerlatsisutut aningaasaateqarfiit pillugit inatsimmik unioqqutitsinermut pillagassaataaernermut, pisoqalisoorinissaanut piffissarititap ukiunik 2-niit ukiunut 5-inut sivitsorneqarnera.

Akilerartussaannermi akiliinaveersaarnernut il. il. pitsaaliuilluni iliuusissat

Allannguut aqqutigalugu akileraarnaveersaarnissamut aammalu ingerlatseqatigiiffinnut aammalu akileraartarnermik inatsisinik atonerluinissamut iliuutsit arlallit, Kalaallit Nunaanni suliffeqarfimmik pilersitsinissaq imaluunniit ingerlatsinissaq sapersarnerulersinngikkaluarlugu, piviusunngortinneqassapput.

Inunnut paasissutissanik illersuineq

Det Centrale Personregisterimi (CPR) atermut- aamma najukkap sumiiffianik illersorneqarnermik nalunaarsortinnikkut aamma CVR-imi najukkamik sumiiffiannik illersorneqarsinnaassasut allannguinerup nassataraa. CPR-imitut piffissami assingusumi CVR-imi illersuineq atuutissaaq. Najukkat sumiiffiinik illersukkat ingerlaavartumik CVR-imi

nalunaarsugaassapput pisortanilu oqartussaasut ingerlaavartumik tamakkuninnga takunnissinnaassallutik. Inuinnaat atuisut, piumasaqaammik pioreersumik imaluunniit allamik inatsisitigut soqutigisaqarnerminik pigisaqarnermut uppersaasinnaasut, akitsuummik akiliinikkut kommunimiit najukkap sumiinneranik illersugaasumik tunniussivigineqarsinnaapput.

Suiaassutsit eqqarsaatigalugit aqutsisoqarnermi agguataarineq

Suliffeqarfiit angisuut aqutsisuini arnanik angutinillu assigiinnerusumik agguataarinissaq qulakkiissallugu maleruagassat nutaat siunertarivaat. Suliffeqarfiit annersaasa aqutsisoqarfimminni suaassutsimut ikinnerussuteqarfiusumut kisitsisinik anguniakkanik ikkussuissapput.

Kukkunersiuisumik toqqaasarneq aammalu soraarsitsisarneq

Allannguneq isumaqarpoq kukkunersiuisup qinigaanermut piffissarititaanut killiliussamik atuuttoqartoq, taamaalilluni suliffeqarfinnut tamanit soqutigisaqarfigineqartunut ataatsimeersuarnermi inatsisitigut pisussaaffiusoq kukkunersiueq pillugu kukkunersiuisussarsiortarneq ingerlanneqarpat, annerpaamik ukiuni 20-ni kukkunersiuisumik taassuminngarpiaq toqqaqqittoqarsinnaalluni, imaluunniit ataatsimeersuarnermi ukiunik 10-nik piffissarititap qaangiunnerata kingorna minnerpaamik kukkunersiuisumik allamik ataatsimik kukkunersiuinermik suliaqaqataasussamik toqqaasoqarpat annerpaamik ukiuni 24-ni toqqaqqittoqarsinnaalluni.

Kukkunersiuisumik taarsiinnermut atatillugu annertusisamik nalunaarutiginnittussaataitaneq

Taama allanngunerup ilaatigut nassatarisaanik sulisussaaffiup naanera sioqqullugu kukkunersiuisoq tunuarpat imaluunniit soraarsitaappat Inuussutissarsiordermut Aqutsisoqarfiup ilisimatinnissaanut kukkunersiuisoq ingerlatseqatigiiffillu pisussaaffeqalerput.

Suliffeqarfiit, siusinnerusukkat aningaasarsiordermik ingerlataqarsimasut

Suliffeqarfinnik aningaasarsiordermik ingerlataqarsimasunik, kisiannili allanngortiterinnermut atatillugu aningaasarsiordermik ingerlatsinerminnik immikkoortumik namminersortumik aktiaateqarluni ingerlatseqatigiiffinngorlugu taarsiisimasunik, pisortanit nakkutilliineq pillugu maleruagassanik ikkussisoqarnikuuvoq. Sulliviit inuussutissarsiutitut ingerlatat ilaat pillugit inatsimmut ilaatinneqartut suliffeqarfiit, nalinginnaasumik pisortat nakkutilliinerannut ilaatinneqanngillat. Taamaalilluni aallaavittut piginnittuusut taakkuupput aqutsisut ingerlatsinerannut atatillugu aalajangiisarnerannik naliliisartut aammalu aqutsisunik taarsiisariaqarsinnaasut. Taamaattoq suliffeqarfinnik aningaasarsiordermik ingerlataqarsimasunik allanngortinneqarsimasunillu peqataasut – sulliviit inuussutissarsiutitut ingerlatat nalinginnaasut assignagit – amerlasuutigut aqutsisunik nakkutilliisoqarnissamut killilimmik piumassuseqartarput. Suliffeqarfiit tamakkua amerlasuutigut pisuussuterpasuaateqartarmata, suliffeqarfinnik tamakkuninnga nakkutilliisoqannginnera

ajornartorsiutaasinnaavoq. Maleruagassat nutaat malillugit suliffeqarfiit aningaasarsiornermik ingerlataqarsimasut allanngortinneqarsimasullu Inuussutissarsiornermut Aqutsisoqarfiup nakkutigissavai.

Suliffeqarfinnik killilimmik akisussaaffilinnik (V.M.B.A.) A/S-inngortitsineq

Siornatigut piginneqatigiiffik killilimmik akisussaaffilik (A.M.B.A) aktianik piginneqatigiiffinngortissallugu ingerlatseqatigiiffiit pillugit inatsit malillugu taamaallaat periarfissaqarpoq. Taamaattoq Inuussutissarsiornermut Aqutsisoqarfinni suleriaaseq malillugu aamma peqatigiiffik killilimmik akisussaaffilik (F.M.B.A) allanngortissallugu imaluunniit ingerlatseqatigiiffik killilimmik akisussaaffilik (S.M.B.A) A.M.B.A-anngortissallugu, tamatumalu kingorna taassuma A.M.B.A-p ingerlatseqatigiiffiit pillugit inatsit naapertorlugu aktianik piginneqatigiiffinngortissallugu periarfissaasimavoq. Allanngortitsineq tamanna piuminarnerulersinniarlugu, taamaalillunilu V.M.B.A., tassa A.M.B.A.-p saniatigut aamma F.M.B.A. aamma S.M.B.A., aktianik piginneqatigiiffinngortissinnaalerniarlugu, aalajangersagaq ilanngunneqarpoq.

Digitalimik attaveqartussaataaneq

Suliffeqarfiit, innuttaasut aammalu pisortat akornanni allakkatigut attaveqatigiittarnerit digitalimik ingerlanneqartarnissaat pillugit piumasaqaateqartoqarsinnaalersillugu inatsisitigut tunngavissamik ikkussisoqarpoq. Digitalimik attaveqartussaataanerup piviusunngortinnissaanut tunngavisoq tassaavoq ilaatigut suliffeqarfiit pisortallu akornanni sukkanerusumik attaveqatigiittarnissap qulakkeernissaanik kissaateqarnek, oqartussaasunit sukkasuumik sunniuteqarluartumillu kiffartuussineq aammalu suliffeqarfinni aammalu oqartussaasuni suleriaatsinik pitsaanerpaaffissarsiuussineq.

Nakkutilliissutit

Ilaatigut ingerlatseqatigiiffinnut tunngasunik, taakkunungalugu ilanngullugu inuussutissarsiutinik ingerlatsisut ilaannik nakkutilliinerup nukittorsarneratigut aningaasatigut peqquserlunnerit sukkanerusumik siunertaqarnerusumillu iliuuseqarfigineqarsinnaanerit aalajangersakkat nutaat periarfissippaat. Kikkut suliffeqarfinnik piginnittuunerannik, aqutsisuni ilaasortat nunanit allaneersut kinaassusiinut uppenarsaasiinissamik piumasaqaatikkut aammalu suliffeqarfiup najukkatut nalunaarsorsimaffianik nakkutilliisinnaanikkut Inuussutissarsiornermut Aqutsisoqarfiup nakkutilliineq nukittorsaavigaa.

UKA2021/127: Aningaasaateqarfiit aamma peqatigiiffiit ilaat pillugit inatsisip allanngortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaat pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.

Piginnittuiusut

Aningaasaateqarfiit aamma peqatigiiffiit ilaat, aningaasaateqarfinnut piginnittuiusut pillugit paasissutissanik piniartarnissaannik aamma toqqortaateqartarnissaannik eqqussisoqarpoq, tamatumani inuit aningaasaateqarfimmik aqutsisut imaluunniit piginnittutut piginnaatitaaffeqartut pineqarput, tassunga ilagitillugit aningaasaateqarfiup siulersuisui aamma aningaasaateqarfiup pigisaanik agguaanermi inuit immikkut pissarsisartut kiisalu paasissutissanik taakkuninnga Inuussutissarsiornermut Aqutsisoqarfiup nalunaarsuiffiani nalunaarsuisarnissaq pineqarpoq. Inatsimmik allannguinnikkut piginnittuiusut pisussaaffilerneqarput noqqaasoqarneratigut piginnittuiunertik pillugu paasissutissiisarnissamut aammalu peqatigiiffinnut aningaasaateqarfinnullu piginnittuiusut pillugit nalunaarsukkani paasissutissanik allanngortoqarsimaneranik ukiumoortumik misissuisarnissamut taakkununnga pisussaaffiliisoqarluni.

Allannguutit allat

Malittarisassanik atuutilersitsisoqarpoq, taamaaliornikkut kingornussassat aamma tunissutit, aningaasaateqarfiup testamentit imaluunniit tunissuteqarluni allakkat aqquutigalugit tigusai, agguaanneqassanersut imaluunniit aningaasaateqarfiup pigisaanut nuunneqassanersut, kingornussassaqaqtisisoq imaluunniit tunissuteqartoq aalajangersagaliorsimanngippat, qanoq kingornussat imaluunniit tunissutit atorneqarnissaannut aningaasaateqarfiit aalajangiisinnaangorlutik. Aningaasaateqarfinnik aqutsisut arlaannaannulluunniit attuumassuteqannginnissaannik piumasaqaatit sukaterneqarnerat pillugu maleruagassanik atuutsitsisoqalerpoq aammalu siulersuisunit tunuarnissamut siulersuisunullu ilaasortanik soraarsitsinissamut piumasaqaatit iluarsineqarlutik il.il.

Siunnersuutit Inatsisartunit siullermeerneqarnerat

Siullermeerinninnermi siunnersuutit nalinginnaasumik taparserneqarput. Siunnersuutit UKA2021/123-mut, maanna ataatsimiinnermi Inatsisartunit ulloq 20. oktober akuerineqartumut, ataqatigiissillugit isigineqassapput.

Tusarniaaneq

Inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaannik aalajangiiffigisassatut siunnersuutinut UKA2021/124, UKA2021/125, UKA2021/126 aamma UKA2021/127 ilaasut 1. juli 2021-mit 30. juli 2021-mut tusarniaanermut nittartakkami tamanut tusarniaassutigineqarput tusarniaaffigisassanullu attuumassuteqartunut nassiunneqarlutik. Tusarniaaneq pillugu ataatsimiititaliaq annertunerusumik oqaaseqaatissaqanngilaq.

Siunnersuutit aningaasaqarnikkut kingunerisassat

Siunnersuutinut tunngatillugu Naalakkersuisut allapput taakku nalunaaruteqarnissamut

annertunerusumik piunasaqaateqarfiunertik pissutigalugu inuussutissarsiortunut aningaasaqarnikkut allaffissornikkullu kinguneqassasut. Siunnersuutit kingunerisassaasa erseqqinnerusumik nassuiaatiginissaat ajornakusoorsinnaammat ataatsimiititaliap paasisinnaavaa. Tamannalu tunngavigalugu siunnersuutit allaffissornikkut pisortanut taamatullu inuussutissarsiornermut sunniutaasa Naalackersuisunit qanimut malinnaavigineqarnissaat ataatsimiititaliamit kaammattuutigineqarpoq, taamaaliornikkut kingunerisinnaasaat pitsaanngitsut piaartumik iluarsiniarneqarsinnaaqqullugit.

Ataatsimiititaliap inassuteqaatai

Ataatsimiititaliap isumaqatigiittup siunnersuut akuersissutigineqassasoq inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappassaaniigassanngortippai.




Mariane Paviassen
Siulittaasoq




Lars Poulsen
Siulittaasup tullia



Charlotte Pike



Karl Tobiassen



Knud Mathiassen



Harald Bianco



Aslak Wilhelm Jensen



Allakkiaq Notat

Uunga Inuussutissarsiornermut Aatsitassanullu Ataatsimiititaliaq

Assinga uunga Ataatsimiititaliami allatsi Kasper Juul-Nielsen

29-10-2021
Sagsnr. 2021-5215

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inuussutissarsiornermut Aatsitassanullu Ataatsimiititaliamut UKA2021/124-mut aamma 126-mut tunngatillugu ilisimatitsissut

Inuussutissarsiornermut Aqutsisoqarfik Inuussutissarsiornermut Niuernermullu Naalakkersuisoqarfimmut saaffiginnippoq, IT-milu iluarsissutit ineriartortinnissaannik tunngaveqartumik imm. 124-mut aamma imm. 126-mut ulloq atuuffiulersussaq ull. 1. januaari 2022-mit nikerartinnerulersinnaasoq ilisimatitsissutigalugu. Taakku saniatigut ikaarsaariarnissamut aaqqiissutit aamma nikerartinnerulersinneqarput, taamaalillutik ullormut atuuffiulersussamut ataqatigiissinnerulersitaallutik. Taamaattorli taamatut pisoqarnerani ullup atuuffiulersussaq ull. 5. januaari 2022-mi pissanera naatsorsuutigineqartoq Inuussutissarsiornermut Aqutsisoqarfiup ilisimatitsissutigaa.

Inussiarnersumik inuulluaqqusillunga

Med venlig hilsen


Pele Broberg